


Ricardo Carvalho Calero





Ricardo Carvalho Calero nado en Ferrol o 30 de outubro de 1910 e finado en Santiago de Compostela o 25 de marzo de 1990

Foi un historiador da literatura, crítico literario, filólogo, lingüista e escritor galego. Membro do Seminario de Estudos Galegos e do Partido Galeguista, o primeiro catedrático de Lingua e Literatura Galegas da Universidade de Santiago de Compostela, numerario da Real Academia Galega e membro de honra da Asociación Galega da Língua.

PRAIA DE CORUJO

Na area para min alguén cravou

o parasol, e á sua sombra puxo

a hamaca para min. O mundo Egipto.

Flabelo e trono: eu faraón.


No meu reino de auséncia, ausente impero.

Esquecido de min e o mundo, ambos

somos un, como o corpo e a alma. Todo

non cobizado é fácil para min.

...



FERROL 1916

Cinco duros pagábamos de aluguer.

Era um terceiro andar, bem folgado.

Pola parte de atrás dava para o Campinho,
e por diante para a rua de Sam Francisco.

No segundo vivia a minha tia aboa:

Tiña unha peza cheia de paxaros disecados
que só abria os dias de festa
para que os nenos disfrutásemos nela.


Ainda vivia minha mãe

e todos os meus irmaos viviam,

e em frente trabalhava o senhor Pedro o
tanoeiro,

e a grande tenda de efeitos navais mantinha
o seu trafego.

...



UN CABELO DE ANJO

pendurado do ceo,
se non é a espada de Democles
é adival para o espírito,
ximio equilibrista,
que, nel agareado,
pode arrandear sobre a terra
e crer que é a araña dun fío
tirado do seu propio miolo,
cordón umbilical que o vencella
o seu niño que está no azul.

Mais non sabemos
qué é o norte, qué é o sul,
o cenit e o nadir,
a vida e a morte,
a terra e o ceo,
cál é o metro que leva ao paraíso
e qué aeronave nos conduz ao inferno

